

物邁寒潭黃庭雅弄琴三疊紫府高吟酒半酣西北文章賢太守肯將珠玉寄東南

送蓬萊州節度使鄒應中移鎮兗州

人生七十古來稀不夜功成賦式微便欲休官栽菊去還令仗節與心違行藏未出陰陽數夙夜難逃變化機異日挂冠須及早莫教林下有人譏

讚道

造物悠揚氣勢雄三光日夜轉鴻濛冥冥會合陰陽秀矯矯神奇幻化叢春去秋來生殺異天長地久古今同靈臺有箇真消息未悟那堪性不通

道藏輯要

礮溪集

九

又胃集三

達士

隨機接物外同塵應變無方內入神心地出離三界苦洞天游賞四時春金丹大藥經年久火棗交梨逐日新一服定超生死海不知誰是有緣人

靈虛觀賞梨花

妙景從來說武官周天迴斡暮春看千株白錦凝霜雪一派香風吐麝蘭羽客徘徊昇月榭高真依約下星壇神功暗結靈虛秀化作無邊碎玉團

舊遊

秦川渭水好行程不問長亭及短亭西嶽雲開仙掌白南山雨

過佛頭青丹霞鬚鬚舒晨彩碧岫參差列畫屏海上交朋聞我
道虛心側耳盡來聽

七言絕句

關中土民純質嚮善者甚眾道門尙七釋氏轉八每至年
交各大集其眾午後於聖前禮誦經懺謂之禮正至一月
終方畢

雪霽春光顯太平風和日暖倍鮮明高歌合會休懷悶大煮圓
焦作禮正

答樊生

莫問天機事怎生唯修陰德念常更人情反覆皆仙道日用操
道藏輯要

礪溪集

二 又胃集三

持盡力行

劉二道友索其人愛飲酒弈棋

歡來日飲千鍾酒靜處時枰一局棋白髮流年當遠鑑紅塵閉
事莫多知

警涇陽強居二首

隋何陸賈總歸空千古惺惺一夢中爭似忘機合著口潛心提
住九天風

百年萬事一場空急景渾如過隙中浮世柰何人不悟癡心剛
待撮春風

寄楊五信士